



J. Valerius sculpsit

ESTAD DE MEXICO

I  
FESTUM  
SS. SANGUINIS

DOMINI NOSTRI JESU CHRISTI,

Celebrandum Feria iv. post Octavam SS. Apostolorum Petri, & Pauli sub ritu dup. j. class. ab universo Clero Sæculari, & Regulari hujus Archiepiscopatus Mexicani ex speciali indulto SS. D. N.

Clementis XIV. die 11.

Maii 1771.

Ad Vesperas.

Dicto Pater noster, &c. A ve Maria, &c. secreto: dicitur clara voce. *ψ.*

**D**eus in adiutorium meum intendente. *R.* Domine ad adjuvandum me festina. *ψ.* Gloria Patri, & Filio, & Spiritui sancto. *R.* Sicut erat in principio, & nunc, & semper, & in sæcula

A

sæ-

2 **Festum SS. Sanguinis**  
sæculorum, Amen. Alleluia.  
**Antiphona.** Christum proposuit  
Deus propitiatorem per fidem in  
sanguine ipsius.

**Psalmus 109.**

**D**ixit Dominus Domino  
meo: \* Sede à dextris  
meis:

**Donec** ponam inimicos tuos, \*  
scabellum pedum tuorum.

**Virgam** virtutis tuæ emittet Dó-  
minus ex Sion: \* dominare in  
medio inimicorum tuorum.

**Tecum** principium in die virtú-  
tis tuæ in splendoribus sancto-  
rum: \* ex utero ante luciferum  
genui te.

**Juravit** Dominus, & non poeni-  
tebit eum: \* Tu es sacerdos in  
æternum secundum ordinem Mel-  
chisedech.

**Dominus** à dextris tuis: \* con-  
frégit in die iræ suæ reges.

**Judicabit** in nationibus, implebit  
ruí-

**Domini nostri Jesu Christi.** 3  
ruinas: \* conquassabit capita in  
terra multorum.

**De** torrente in via bibet: \* pro-  
pterea exaltabit caput.

**Glória** Patri, & Filio, &c.

**Antiphona.** Christum proposuit  
Deus propitiatorem per fidem in  
sanguine ipsius.

**Antiphona.** Jesus, ut sanctificaret  
per suum sanguinem populum,  
extra portam passus est.

**Psalmus 110.**

**C**onfitebor tibi Domine in  
toto corde meo: \* in consi-  
lio justorum, & congregatiõne.

**Magna** ópera Domini: \* exqui-  
sita in omnes voluntates ejus.

**Confessio** & magnificentiã opus  
ejus: \* & justitia ejus manet in  
sæculum sæculi.

**Memóriam** fecit mirabilium suo-  
rum, misericors & miserator Dó-  
minus: \* escam dedit timéntibus se.

**Memor** erit in sæculum testa-

4 **Festum SS. Sanguinis**

ménti sui : \* virtútem óperum  
suórum annuntiábit pópulo suo.

**U**t det illis hereditátem Gén-  
tium : \* ópera mánuum ejus véri-  
tas , & júdicium.

**F**idélia ómnia mandáta ejus : con-  
firmáta in sæculum sæculi , \* fac-  
ta in veritáte & æquitáte.

**R**edemptiónem misit pópulo  
suo : \* mandávit in ætérnum tes-  
taméntum suum.

**S**anctum , & terribile nomen  
ejus : \* initium sapiéntiæ timor  
Dómini.

**I**nteléctus bonus ómnibus facién-  
tibus eum : \* laudátio ejus manet  
in sæculum sæculi.

**G**lória Patri , & Filio , &c.

**Antífona.** Jesus , ut sanctificáret  
per suum sánguinem pópulum,  
extra portam passus est.

**Antífona.** Sanguis Jesu Christi  
Filii Dei emúndat nos ab omni  
peccáto.

**Psal-**

Dómini nostri Jesu Christi. 5

**Psalmus IIII.**

**B**Eátus vir , qui timet Dómi-  
num : \* in mandátis ejus vo-  
let nimis.

**P**otens in terra erit semen ejus : \*  
generátio rectórum benedicétur.

**G**lória , & divitiæ in domo ejus : \*  
& justitia ejus manet in sæculum  
sæculi.

**E**xórtum est in ténebris lumen  
rectis : \* miséricors , & miserátor ,  
& justus.

**J**ucúndus homo qui miserétur &  
cómmodat , dispónet sermónes  
suos in júdicio : \* quia in ætér-  
num non commovébitur.

**I**n memória ætérna erit justus : \*  
ab auditióne mala non timébit.

**P**arátum cor ejus speráre in Dó-  
mino , confirmátum est cor ejus : \*  
non commovébitur donec despi-  
ciat inimicos suos.

**D**ispersit , dedit paupéribus : jus-  
titia ejus manet in sæculum sæcu-  
li:

A 3

li:



6 **Festum SS. Sanguinis**

li: \* cornu ejus exaltabitur in gloria.

**P**eccator vidēbit, & irascētur, dentibus suis fremet, & tabescet: \* desiderium peccatorum peribit.

**G**loria Patri, & Filio, &c.

**Antiphona.** Sanguis Jesu Christi Filii Dei emundat nos ab omni peccato.

**Antiphona.** Venit per aquam, & sanguinem Jesus Christus, non in aqua solū; sed in aqua, & sanguine.

**Psalmus 112.**

**L**audate pueri Dominum: \* laudate nomen Domini.

**S**it nomen Domini benedictum, \* ex hoc nunc, & usque in sæculum.

**A** solis ortu usque ad occasum, \* laudabile nomen Domini.

**E**xcelsum super omnes gentes Dominus, \* & super caelos gloria ejus.

**Q**uis

**Domini nostri Jesu Christi. 7**

**Q**uis sicut Dominus Deus noster, qui in altis habitat, \* & humilia respicit in caelo & in terra?

**S**uscitans à terra inopem, \* & de stercore erigens pauperem.

**U**t collocet eum cum principibus, \* cum principibus populi sui.

**Q**ui habitare facit sterilem in domo, \* matrem filiorum latantem.

**G**loria Patri, & Filio, &c.

**Antiphona.** Venit per aquam, & sanguinem Jesus Christus, non in aqua solū; sed in aqua, & sanguine.

**Antiphona.** Christus dilexit nos, & lavit nos à peccatis nostris in sanguine suo.

**Psalmus 116.**

**L**audate Dominum omnes Gentes: \* laudate eum omnes populi.

**Q**uoniam confirmata est super nos misericordia ejus, \* & veritas Domini manet in aeternum.

**A** 4

**G** 16-

8 Festum SS. Sanguinis

Gloria Patri, & Filio, &c.  
*Antiphona.* Christus dilexit nos,  
& lavit nos à peccatis nostris in  
sanguine suo.

*Capitulum.* Ad Hebr. 9. e

**F**ratres, tabernaculum, &  
omnia vasa ministèrii san-  
guine aspèrsit Mòyses; & omnia  
penè in sanguine secundùm le-  
gem mundantur, & sine sangui-  
nis effusione non fit remissio.

*Rc.* Deo grátias.

*Hymnus.*

**M**aximus Redemptor orbis,  
Morte vitam contulit:  
Qui nec argénto cáduco,  
Sed nec auro lábili,  
Còrporis tamen sacráti  
Nos redèmit Sanguine.  
**M**itis agnus immolátur  
Omnium pro crimine:  
Ne quod arte fabricátum  
Conditòris éxtitit,  
Dirus hostis possidéret,

Qui

Dómini nostri Jesu Christi. 9

Qui malum suggesserat.  
**M**agna præstat immolátus  
Dux salutis ómnium:  
Complet excéssum, fidèles  
Quem Prophætæ dixerant:  
Nostra tunc peccáta solvit  
Nos tyránno liberans.  
**M**isit infans carne scissus,  
Misit orans Sanguinem:  
Misit & flagélla passus,  
Orbe punctus spíneo:  
Dum manus, pedes, latúsque  
Pandit, offert Sanguinem.  
**L**aus, honor, virtus suprèma  
Conditòri máchinæ,  
Quam Pater summus gubérnat,  
Natus, atque Spíritus,  
Omnibus Deus coléndus  
Sæculòrum sæculis. Amen.  
*Ps.* Redemisti nos Dómine.  
*Rc.* In sanguine tuo.  
*Antiphona.* Sanguis Christi, qui  
per Spíritum sanctum semetip-  
sum obtulit immaculátum Deo,  
A 5 emun-

10 Festum SS. Sanguinis  
emundabit conscientiam nostram  
ab operibus mortuis, ad serviendum  
Deo viventi.

Canticum B. Mariæ Virginis.

Luce 1. e

**M**agnificat \* anima mea  
Dominum:

**E**t exultavit spiritus meus \* in  
Deo salutari meo.

**Q**uia respexit humilitatem ancillæ  
suar: \* ecce enim ex hoc beatam  
me dicent omnes generationes.

**Q**uia fecit mihi magna qui po-  
tens est: \* & sanctum nomen ejus.

**E**t misericordia ejus a progénie  
in progénies \* timéntibus eum.

**F**ecit potentiam in brachio suo: \*  
dispersit superbos mente cordis sui.

**D**eposuit potentes de sede: \* &  
exaltavit humiles.

**E**suriéntes implévit bonis: \* &  
divites dimisit inanes.

**S**uscépit Israël puerum suum, \*  
recordatus misericordiar suar.

Si-

Domini nostri Jesu Christi. 11  
Sicut locutus est ad patres nos-  
tros, \* Abraham, & semini ejus  
in sæcula.

Gloria Patri, & Filio, &c.

**A**ntiphona. Sanguis Christi, qui  
per Spiritum sanctum semetip-  
sum obtulit immaculatum Deo,  
emundabit conscientiam nostram  
ab operibus mortuis, ad serviendum  
Deo viventi.

**Ps.** Dominus vobiscum. **R.** Et cum  
spiritu tuo. **O**remus.

**O**mnipotens sempiternæ Deus,  
qui Sanguine Filii tui pla-  
cari, & nos redimi voluisti: con-  
cede nobis, quæsumus, salutis  
nostræ pretium ita recollere, ut &  
nunc veniam, & in æternum gló-  
riam consequi valeamus. Per eum-  
dem Dominum nostrum Jesum  
Christum Filium tuum: qui tecum  
vivit & regnat in unitate ejusdem  
Spiritus sancti Deus, per omnia  
sæcula sæculorum. **R.** Amen.

A 6

Ps. Dó-



**Ps.** Dominus vobiscum. **Rc.** Et cum spiritu tuo. **Ps.** Benedicamus Domino. **Rc.** Deo gratias. **Ps.** Fidelium animæ per misericordiam Dei requiescant in pace. **Rc.** Amen.

**Si hoc Festum incidat in diem 9. Julii, fit commemoratio sanctæ Elisabeth, Reginae Portugallia.**

**Antiphona.** Elisabeth pacis, & patriæ mater, in celo triumphans, dona nobis pacem.

**Ps.** Ora pro nobis beata Elisabeth.

**Rc.** Ut digni efficiamur promissionibus Christi. **Oremus.**

**C**lementissime Deus, qui beatam Elisabeth Reginam, inter cæteras egregias dotes, bellici furoris sedandi prærogativa decorasti: da nobis ejus intercessione, post mortalis vitæ, quam suppliciter petimus, pacem, ad æterna gaudia pervenire. Per Dominum.

**AD COMPLETEORIUM.**

**Leكتور incipit Vers.** Jube domine

be-

Dominus nostri Jesu Christi. 17  
benedicere. **Benedictio.** Noctem quietam, & finem perfectum concedat nobis Dominus omnipotens. **Rc.** Amen.

**Lectio brevis.** 1. Pet. 5. c

**F**ratres, Sobrii estote, & vigilate: quia adversarius vester diabolus tamquam leo rugiens circuit, quærens quem devoret: cui resistite fortes in fide. Tu autem Domine, miserere nobis.

**Rc.** Deo gratias.

**Ps.** Adjutorium nostrum in nomine Domini. **Rc.** Qui fecit caelum & terram. **P**ater noster, &c. dicitur totum secretò.

**Deindè Hebdomadarius facit Confessionem.**

**C**onfiteor Deo omnipotenti, beatae Mariæ semper virgini, beato Michaëli Archangelo, beato Joanni Baptistæ, sanctis Apóstolis Petro & Paulo, omni-

bus

18 **Festum SS. Sanguinis**  
bus Sanctis, & vobis fratres, quia  
peccavi nimis cogitatione, verbo  
& opere: mea culpa, mea culpa,  
mea maxima culpa. Ideo precor  
beatam Mariam semper virgi-  
nem, beatum Michaëlem Ar-  
changelum, beatum Joannem  
Baptistam, sanctos Apóstolos  
Petrum & Paulum, omnes Sanc-  
tos, & vos fratres, orare pro me  
ad Dóminum Deum nostrum.

**Chorus respóndet.**

**M**isereatur tui omnipotens  
Deus, & dimissis peccatis  
tuis, perducat te ad vitam ætérnam.  
**R.** Amen.

**Deindè répetit Confessionem:**  
& ubi dicitur vobis fratres, &  
vos fratres, dicatur tibi pater, &  
te pater.

**Facta Confessione à Choro**

**Hebdomadarius dicit:**

**M**isereatur vestri omnipotens  
Deus, & dimissis peccatis  
aud ves-

Dómini nostri Jesu Christi. 19  
vestris, perducat vos ad vitam  
ætérnam. **R.** Amen.

**I**ndulgentiam, absolutiõnem, &  
remissiõnem peccatorum nos-  
trorum tribuat nobis omnipotens  
& misericors Dóminus. **R.** Amen.

**Et facta absolutiõne dicitur  $\Psi$ .**

**C**onverte nos Deus salutáris  
noster. **R.** Et averte iram  
tuam á nobis. **\Psi.** Deus in adju-  
tórium meum inténde. **R.** Dó-  
mine ad adjuvándum me festína.  
**G**loria Patri. **S**icut erat.

**Antiphona.** Miserere.

**Psalmus 4.**

**C**um invocárem exaudivit  
me Deus justitiæ meæ, \* in  
tribulatiõne dilatásti mihi.

**M**iserere mei, \* & exaudi ora-  
tiõnem meam.

**F**ilii hóminum usquequò gravi  
corde? \* ut quid diligitis vanitá-  
tem, & quæritis mendácium?

**Et scitote quóniam mirificávit**

Dó-



20 **Festum SS. Sanguinis**

Dóminus sanctum suum: \* Dóminus exáudiet me, cum clamávero ad eum.

**I**rascimini, & nolite peccáre, \* quæ dicitis in córdibus vestris, in cubílibus vestris compungimini.

**S**acrificáte sacrificium justitiæ & speráte in Dómino: \* Multi dicunt: Quis osténdit nobis bona?

**S**ignátum est super nos lumen vultus tui Dómine: \* dedísti lætítiam in corde meo.

**A** fructu fruménti, vini, & ólei sui \* multiplicáti sunt.

**I**n pace in idípsum \* dórmiam, & requiescam;

**Q**uóniam tu Dómine singulariter in spe \* constituísti me.

**G**loria Patri, & Filio, &c.

**Psalmus 30.**

**I**N te Dómine sperávi non confundar in atérnum: \* in justítia tua libera me.

**I**nclína ad me aurem tuam, \*  
ac-

Dómini nostri Jesu Christi. 21  
accélera ut éruas me.

**E**sto mihi in Deum protectórem, & in domum refúgii, \* ut saluum me fácias.

**Q**uóniam fortitúdo mea, & refúgium meum es tu: \* & propter nomen tuum dedúces me, & enútries me.

**E**dúces me de láqueo hoc, quem abscondérunt mihi: \* quóniam tu es protéctor meus.

**I**n manus tuas comméndo spíritum meum: \* redemísti me Dómine Deus veritátis.

**G**loria Patri, & Filio, &c.

**Psalmus 90.**

**Q**ui habitat in adjutório Altíssimi, \* in protectióne Dei cæli commorábitur.

**D**icet Dómino: Suscéptor meus es tu, & refúgium meum: \* Deus meus sperábo in eum.

**Q**uóniam ipse liberávit me de láqueo venántium, \* & à verbo áspero.

**S**cá-

22 **Festum SS. Sanguinis**

**S**cápolis suis obumbrábit tibi : \*  
& sub pennis ejus sperábis.

**S**cuto circúmdabit te véritas  
ejus : \* non timébis à timóre noc-  
túrno.

**A** sagitta volánte in die , à negó-  
tio perambulánte in ténebris , \*  
ab incúrso , & demónio meri-  
diáno.

**C**adent à látere tuo mille , & de-  
cem míllia à dextris tuis : \* ad te  
autem non appropinquábit.

**V**erúntamen óculis tuis conside-  
rábis , \* & retributiónem pecca-  
tórum vidébis.

**Q**uóniam tú es Dómine spes  
mea , \* altíssimum posuísti refú-  
gium tuum.

**N**on accédet ad te malum : \* &  
flagéllum non appropinquábit ta-  
bernáculo tuo.

**Q**uóniam Angelis suis mandávit  
de té : \* ut custódiant te in ómni-  
bus viis tuis.

**In**

Dómini nostri Jesu Christi. 23

**I**n mánibus portábunt te : \* ne forté  
offéndas ad lapidem pedem tuum.

**S**uper áspidem & basiliscum am-  
bulábis : \* & conculcábis leónem  
& draconem.

**Q**uóniam in me sperávit , libera-  
bo eum : \* prótegam eum quón-  
iam cognóvit nomen meum.

**C**lamábit ad me , & ego exáu-  
diam eum : \* cum ipso sum in  
tribulatióne : erípam eam , &  
glorificábo eum.

**L**ongitúdine diérum replébo eum : \*  
& osténdam illi salutáre meum.

**G**loria Patri , & Filio , &c.

*Psalmus 133.*

**E**Cce nunc benedicite Dómi-  
num , \* omnes servi Dómini ,  
**Q**ui státis in domo Dómini , \* in  
atriis domus Dei nostri.

**I**n nóctibus extóllite manus ves-  
tras in sancta , \* & benedicite  
Dóminum.

**B**enedicat te Dóminus ex Sion , \*  
qui

24. **Festum SS. Sanguinis**  
qui fecit cælum & terram.  
**G**loria Patri, & Filio, &c.  
**Antiphona.** Miserere mihi Dómine,  
& exáudi oratióem meam.

**Hymnus.**

**T**E lucis ante términum  
Rerum Creatór póscimus;  
Ut pro tua cleméntia  
Sis præsul & custódia.

**P**rocul recédant sómnia,  
Et nóctium phantásmata;  
Hostémque nostrum cómprime,  
Ne polluéntur córpora.

**P**ræsta, Pater piíssime,  
Patrique compar Unice,  
Cum Spírítu Paráclito,  
Regnans per omne sæculum.  
Amen.

**Capitulum.** Jer. 14. b

**T**U autem in nobis es Dómine,  
& nómen sanctum tuum  
invocátum est super nos, ne derelinquas nos Dómine Deus noster.

**R.** Deo grátias.  
**R.** br.

Dómini nostri Jesu Christi. 25  
**R.** br. In manus tuas Dómine,  
\* Comméndo spírítum meum. In  
manus tuas. **V.** Redemísti nos  
Dómine Deus veritátis. Comméndo.  
**G**loria Patri. In manus tuas.  
**V.** Custódi nos Dómine, ut pupíllam óculi. **R.** Sub umbra alárum tuárum prótege nos.

**Antiphona.** Salva nos.

**Cánticum Simeónis.**

*Luca 2. e*

**N**unc dimittis servum tuum  
Dómine, \* secúndum  
verbum tuum in pace:

**Q**uia vidérunt óculi mei \* salutare tuum,

**Q**uod parásti ante faciém ómnium populórum.

**L**umen ad revelatióem géntium, \* & glóriam plebis tuæ Israél.

**G**loria Patri, & Filio.

**Antiphona.** Salva nos Dómine vigilantes, custódi nos dormiéntes,

B ut



ut vigilemus cum Christo, & requiescâmus in pace.

Ps. Dóminus vobiscum. R. Et cum spírítu tuo.

Oremus.

Oratio.

**V**isita, quæsumus Dómine, habitatióem istam, & omnes insídias inimíci ab ea longè repélle: Angeli tui sancti habitent in ea, qui nos in pace custódiant: & benedíctio tua sit super nos semper. Per Dóminum nostrum.

Ps. Dóminus vobiscum. R. Et cum spírítu tuo. Ps. Benedicâmus Dómino. R. Deo grátias. **Benedíctio.** Benedicat, & custódiat nos omnipotens & misericors Dóminus, Pater, & Filius, & Spírítus sanctus. R. Amen.

Antiphona.

**S**alve Regina, mater misericórdiæ, vita, dulcêdo, & spes nos-

nostra salve. Ad te clamâmus éxules, filii Hevæ. Ad te suspirâmus, geméntes, & flentes in hac lacrymârum valle. Eja ergo advocâta nostra, illos tuos misericórdes óculos ad nos converte. Et Jesum benedíctum fructum ventris tui, nobis post hoc exílium osténde. O clemens, ó pia, ó dulcis virgo María.

Ps. Ora pro nobis sancta Dei genitrix. R. Ut digni efficiâmur promissionibus Christi.

Oratio.

**O**Mnípotens sempitérne Deus, qui gloriósæ Virginis matris Mariæ corpus & ánimam, ut dignum Filii tui habitáculum effici mereretur, Spírítu sancto cooperante præparasti: da, ut cujus commemoratióne lætâmur, ejus pia intercessióne ab instantibus malis, & à morte perpétua liberémur. Per eúmdem

B 2 Chris-

28 **Festum SS. Sanguinis**

Christum Dóminum nostrum.  
**R.** Amen.

**Ps.** Divinum auxiliúm máneat  
semper nobiscum. **R.** Amen.

Deíndè dicitur **secrétò P**ater  
noster, **A** ve María, & **C**redo.

**AD MATUTINUM.**

Dícto **P**ater noster, **A** ve Ma-  
ría, & **C**redo **secrétò, dicitur:**

**Ps.** Dómine lábia mea apéries.

**R.** Et os meum annuntiábit lau-  
dem tuam. **Ps.** Deus in adjutó-  
rium meum inténde. **R.** Dómi-  
ne ad adjuvándum me festína.

**Ps.** Glória Patri, & Fílio, & Spíri-  
tui sancto. **R.** Sicut erat in princí-  
pio, & nunc, & semper, & in sæ-  
cula sæculórum. Amen. Allelúia.

**Invitatórium.** Christum Dei Fí-  
lium, qui suo nos ságuine redé-  
mit, \* Veníte, adorémus. **Et re-  
pétitur.** Christum Dei Fílium,  
qui suo nos ságuine redémit,  
\* Veníte, adorémus.

Psal-

Dómini nostri Jesu Christi. 29

**Psalmus 94.**

**V**eníte, exultémus Dómino,  
jubilémus Deo salutári nos-  
tro: præoccupémus faciem ejus  
in confessióne, & in psalmis ju-  
bilémus ei.

Christum Dei Fílium, qui suo  
nos ságuine redémit, veníte,  
adorémus.

Quóniam Deus magnus Dómi-  
nus, & Rex magnus super om-  
nes deos: quóniam non repéllit  
Dóminus plebem suam, quia in  
manu ejus sunt omnes fines terræ,  
& altitúdes móntium ipse cons-  
picit.

Veníte, adorémus.

Quóniam ipsíus est mare, & ipse  
fecit illud, & áridam fundavé-  
runt manus ejus: veníte, adoré-  
mus, & procidámus ante Deum:  
plorémus coram Dómino, qui  
fecit nos, quia ipse est Dómi-  
nus Deus noster: nos autem pó-

B 3

pu-

30 **Festum SS. Sanguinis**

pulus ejus, & oves pascuæ ejus.  
**C**hristum Dei Filium, qui suo nos sanguine redêmit, venite, adorêmus.

**H**odiè, si vocem ejus audieritis, nolite obdurare corda vestra, sicut in exacerbatione secundum diem tentationis in deserto: ubi tentaverunt me patres vestri, probaverunt, & viderunt opera mea.

**V**enite, adorêmus.

**Q**uadragesima annis proximus fui generationi huic, & dixi: Semper hi errant corde; ipsi vero non cognoverunt vias meas, quibus juravi in ira mea, si introibunt in requiem meam. **V**

**C**hristum Dei Filium, qui suo nos sanguine redêmit, venite, adorêmus.

**G**loria Patri, & Filio, & Spiritui sancto: Sicut erat in principio, & nunc, & semper, & in sæcula sæculorum. Amen.

**Ve-**

**D**omini nostri Jesu Christi. 31  
**V**enite, adorêmus.

**C**hristum Dei Filium, qui suo nos sanguine redêmit, venite, adorêmus.

**Hymnus.**

**S**anguis olim victimarum,  
Quem vetus Lex obtulit,  
Fœderis novi sacratum  
Nuntiabat Sanguinem:  
Quo redempti, sanctitatem  
Assequamur spiritus.

**L**ex amoris postulabat  
Differentem victimam,  
Offerens ubi sacerdos  
Esset idem victima:  
Seque clemens immolaret  
In medelam criminum.

**I**n Crucem Redemptor actus  
Nostra delet crimina:  
Quando pro salute mundi  
Ex sacro corpore  
Uberes rivi cruoris  
Copiosè profluunt.

**P**erforatur namque clavis;

**B 4**

**Et**



32. Festum SS. Sanguinis

Et latus dirumpitur:  
Unde Sacramenta manant,  
Labe quæ nos abluunt:  
Hinc caput nostræ salutis  
Confitemur Sanguinem.

**L**aus, honor, virtus suprema  
Conditóri machinæ,  
Quam Pater summus gubernat,  
Natus, atque Spiritus,  
Omnibus Deus colendus  
Sæculorum sæculis. Amen.

In primo Nocturno.

**Antiphona.** Accipiens sanguinem  
Móyses, omnem populum aspersit,  
dicens: Hic sanguis testaménti,  
quod mandávit ad vos Deus.

Psalmus 2.

**Q**uare fremuerunt gentes, \*  
& populi meditati sunt  
inania?

**A**stiterunt reges terræ, & príncipes  
convenérunt in unum, \* ad-  
versus Dóminum, & adversus  
Christum ejus.

Di-

Dómini nostri Jesu Christi. 33  
**D**irumpamus vincula eorum: \*  
& projiciamus a nobis jugum ip-  
sorum.

**Q**ui habitat in cælis, irridébit  
eos: \* & Dóminus subsannábit  
eos.

**T**unc loquétur ad eos in ira sua, \*  
& in furóre suo conturbábit eos.

**E**go autem constitutus sum Rex  
ab eo super Sion montem sanc-  
tum ejus, \* prædicans præcép-  
tum ejus.

**D**óminus dixit ad me: \* Filius  
meus es tu, ego hódie genui te.

**P**óstula a me, & dabo tibi Gen-  
tes hæreditatem tuam, \* & pos-  
sessionem tuam terminos terræ.

**R**eges eos in virga férrea, \* &  
tamquam vas figuli confringes  
eos.

**E**t nunc reges intelligite: \* eru-  
dimini qui judicatis terram.

**S**ervite Dómino in timóre: \* &  
exultáte ei cum tremóre.

B 5

Ap-

34 *Festum SS. Sanguinis*

**A**pprehendite disciplinam, ne quando irascatur Dominus, \* & pereatis de via justa.

**C**um exarserit in brevi ira ejus, \* beati omnes, qui confidunt in eo.

**G**loria Patri, & Filio, \* & Spiritui sancto.

**S**icut erat in principio, & nunc, & semper, \* & in secula seculorum. Amen.

**Antiphona.** Accipiens sanguinem Moyses, omnem populum aspexit, dicens: Hic sanguis testamenti, quod mandavit ad vos Deus.

**Antiphona.** Quare rubrum est indumentum tuum, & vestimenta tua sicut calcantium in torculari?

*Psalmus 3.*

**D**omine, quid multiplicati sunt qui tribulant me? \* multi insurgunt adversum me.

**M**ulti dicunt animae meae: \* Non est salus ipsi in Deo ejus.

**T u**

**D**omini nostri Jesu Christi. 35  
**T**u autem Domine susceptor meus es, \* gloria mea, & exaltans caput meum.

**V**oce mea ad Dominum clamavi: \* & exaudivit me de monte sancto suo.

**E**go dormivi, & soporatus sum: \* & exurrexi, quia Dominus suscepit me.

**N**on timebo millia populi circumdantis me: \* exurge Domine, saluum me fac Deus meus.

**Q**uoniam tu percussisti omnes adversantes mihi sine causa: \* dentes peccatorum contrivisti.

**D**omini est salus; \* & super populum tuum benedictio tua.

**G**loria Patri, & Filio, \* & Spiritui sancto.

**S**icut erat in principio, & nunc, & semper, \* & in secula seculorum. Amen.

**Antiphona.** Quare rubrum est indumentum tuum, & vestimenta

**B 6**

tua

36 **Festum SS. Sanguinis**

tua sicut calcantium in torculari?  
**Antiphona.** In sanguine testamenti tui emisisti vinctos tuos de lacu, in quo non est aqua.

**Psalmus 15.**

**C**onserva me Domine, quoniam speravi in te. \* Dixi Domino: Deus meus es tu, quoniam bonorum meorum non eges. Sanctis, qui sunt in terra ejus, \* mirificavit omnes voluntates meas in eis.

**M**ultiplicatae sunt infirmitates eorum: \* postea acceleraverunt.

**N**on congregabo conventicula eorum de sanguinibus: \* nec memor ero nominum eorum per labia mea.

**D**ominus pars hereditatis meae, & calicis mei: \* tu es, qui restitues hereditatem meam mihi.

**F**unes ceciderunt mihi in praeclearis: \* etenim hereditas mea praecleara est mihi.

**B**e-

**Domini nostri Jesu Christi.** 37

**B**enedicam Dominum, qui tribuit mihi intellectum: \* insuper & usque ad noctem increperunt me renes mei.

**P**rovidēbam Dominum in conspectu meo semper: \* quoniam a dextris est mihi, ne commovear.

**P**ropter hoc letatum est cor meum, & exultavit lingua mea: \* insuper & caro mea requiescet in spe.

**Q**uoniam non derelinques animam meam in inferno: \* nec dabis Sanctum tuum videre corruptionem.

**N**otas mihi fecisti vias vitae, adimplēbis me laetitia cum vultu tuo: \* delectationes in dextera tua usque in finem.

**G**loria Patri, & Filio, \* & Spiritui sancto.

**S**icut erat in principio, & nunc, & semper, \* & in saecula saeculorum. Amen.

**A**n-



38 **Festum SS. Sanguinis nōi**  
**Antiphona.** In sanguine testamēti tui emisisti vinctos tuos de lacu, in quo non est aqua.

**ψ.** Redemisti nos Dōmine. **R.** In sanguine tuo. **P**ater noster, &c. **secrētō.** **ψ.** Et ne nos inducas in tentatiōnem. **R.** Sed libera nos à malo. **Absolutio.** Exaudi Dōmine Jesu Christe preces servōrum tuōrum, & miserere nobis, qui cum Patre, & Spirītu Sancto vivis, & regnas in sæcula sæculōrum. **R.** Amen. **ψ.** Jube domne benedicere. **Benedictio.** Benedictiōne perpētua benedicat nos Pater atērnus. **R.** Amen.

De Libro Exodi.

**Lectio j.**

Cap. 12. a

**D**ixit Dōminus ad Mōysen, & Aaron in terra Ægypti: Loquimini ad univērsū cœtum filiōrum Israël, & dicitē eis: Dēcima die mensis hujus tollat unusquisque agnum per fa-

Dōmini nostri Jesu Christi. 39  
familias & domos suas. Erit autem agnus absque macula, masculus, anniculus: juxta quem ritum tollētis & hœdum. Et servabitis eum usque ad quartadécimam diem mensis hujus: immolabique eum univērsa multitudo filiōrum Israël ad vésperam. Et sument de sanguine ejus, ac ponent super utrūmque postem, & in superlimināribus domōrum, in quibus cōmedent illum.

**T**u autem Dōmine miserere nobis. **R.** Deo grātiās.

**R.** Gratificāvit nos Deus in dilecto filio suo, in quo habemus redemptiōnem, \* Per Sanguinem ejus. **ψ.** Remissiōnem peccatōrum secūndum divitiās grātiæ ejus, quæ superabundāvit in nobis. Per Sanguinem ejus. **ψ.** Jube domne benedicere. **Benedictio.** Unigénitus Dei Filius nos bene-

40 **Festum SS. Sanguinis**  
nedicere, & adjuvare dignetur.  
**R.** Amen.

**Lectio ij.**

**T**Ransibo per terram Ægypti nocte illa, percutiamque omne primogenitum in terra Ægypti ab homine usque ad pecus: & in cunctis diebus Ægypti faciam judicia, ego Dominus. Erit autem sanguis vobis in signum in ædibus in quibus eritis: & videbo sanguinem, & transibo vos: nec erit in vobis plaga disperdens, quando percussero terram Ægyptii. Habebitis autem hunc diem in monumentum: & celebrabitis eam solennem Domino in generationibus vestris cultu sempiterno.

**T**u autem Domine miserere nobis. **R.** Amen.

**R.** Non corruptilibus auro, vel argento redempti estis de vana vestra conversatione paterna: tradi-

41  
Domini nostri Jesu Christi. **41**  
ditionis: \* Sed pretioso sanguine quasi agni immaculati Christi. **ψ.** Ex corde invicem diligite, renati non ex semine corruptibili. Sed pretioso. **ψ.** Jube domne benedicere. **Benedictio.** Spiritus sancti gratia illuminet sensus, & corda nostra. **R.** Amen.

**Lectio iij.**

**V**Ocavit autem Moyses omnes seniores filiorum Israël, & dixit ad eos: Ite tollentes animal per familias vestras, & immolate Phæse. Fasciculamque hyssopi tingite in sanguine qui est in limine, & aspergite ex eo superliminare, & utrumque postem: nullus vestrum egrediatur ostium domus sue usque mane. Transibit enim Dominus percutiens Ægyptios: cumque viderit sanguinem in superliminari, & in utroque poste, transcendet ostium domus, & non sinet percussorem ingredi

42 **Festum SS. Sanguinis**  
di domos vestras & lædere.

**T**u autem Dómine miserere nobis. **R.** Deo grátias.

**R.** Christus peccáta nostra pertulit in corpore suo super lignum, ut peccátis mórtui, justitiæ vivámus: \* Cujus livóre sanáti estis.

**Y.** Erátis enim sicut oves errántes, sed convérsi estis nunc ad pastórem animárum vestrárum. Cujus livóre. **G**lória Patri. Cujus livóre.

**In secúndo Noctúrno.**

**Antiphona.** Justificáti in ságuine Christi, salvi érimus ab ira per ipsum.

**Psalms 22.**

**D**ominus regit me, & nihil mihi déerit: \* in loco pásuæ ibi me collocávit.

Super aquam refectiõnis educávit me: \* ánimam meam convértit.

Dedúxit me super sémitas justí-

Dómini nostri Jesu Christi. 43  
titiæ, \* propter nomen suum.

**N**am & si ambulávero in médio umbræ mortis, non timébo mala: \* quóniam tu mecum es.

**V**irga tua, & báculus tuus, \* ipsa me consoláta sunt.

**P**arásti in conspéctu meo mensam, \* advérsus eos qui tribulant me.

**I**mpinguásti in óleo caput meum: \* & calix meus inébrians quàm præclárus est!

**E**t misericórdia tua subsequétur me \* ómnibus diébus vitæ meæ.

**E**t ut inhábitem in domo Dómini, \* in longitúdinem diérum.

**G**lória Patri, & Filio, &c.

**Antiphona.** Justificáti in ságuine Christi, salvi érimus ab ira per ipsum.

**Antiphona.** Prétio empti estis, nolite fieri servi hóminum.

**Psal-**



**E**xaltabo te Dómine quóniam  
suscepisti me : \* nec delectasti  
inimicos meos super me.

**D**ómine Deus meus clamávi ad  
te, \* & sanásti me.

**D**ómine eduxisti ab inférno áni-  
mam meam : \* salvásti me à des-  
cendéntibus in lacum.

**P**sállite Dómino sancti ejus : \* &  
confitémini memóriæ sanctitátis  
ejus.

**Q**uóniam ira in indignatióne  
ejus : \* & vita in voluntáte  
ejus.

**A**d vésperum demorábitur fle-  
tus ; \* & ad matutinum lætítia.

**E**go autem dixi in abundantia  
mea : \* non movébor in ætér-  
num.

**D**ómine in voluntáte tua, \* præ-  
stitisti decóri meo virtútem.

**A**vertisti faciém tuam à me, \*  
& factus sum conturbátus.

Ad

**A**d te Dómine clamábo : \* & ad  
Deum meum deprecábor.

**Q**uæ utilitas in sanguine meo, \*  
dum descéndo in corruptiõ-  
nem?

**N**umquid confitebitur tibi pul-  
vis, \* aut annuntiábit veritatem  
tuam?

**A**udivit Dóminus, & misértus  
est mei : \* Dóminus factus est ad-  
jutor meus.

**C**onvertisti planctum meum in  
gáudium mihi : \* conscidisti sac-  
cum meum, & circumdedisti  
me lætítia:

**U**t cantet tibi glória mea, & non  
compungar : \* Dómine Deus  
meus in ætérnum confitebor tibi.

**G**lória Patri, & Fílio, &c.

**Antiphona.** Prætio empti estis,  
nolite fieri servi hóminum.

**Antiphona.** Dedit semetípsum Je-  
sus Christus pro nobis, ut nos  
redimeret ab omni iniquitáte.

Psal-

**E**Xaudi Deus orationem meam  
cum deprecor: \* à timore  
inimici eripe animam meam.

**P**rotestisti me à conventu malignan-  
tium, \* à multitudi-  
ne operantium iniquitatem.

**Q**uia exacerunt ut gladium lin-  
guas suas: \* intenderunt arcum  
rem amarum, ut sagittent in occul-  
tis immaculatum.

**S**ubito sagittabunt eum, & non  
timebunt: \* firmaverunt sibi ser-  
monem nequam.

**N**arraverunt ut absconderent la-  
queos: \* dixerunt: quis videbit  
eos?

**S**crutati sunt iniquitates: \* de-  
fecerunt scrutantes scrutinio.

**A**ccedet homo ad cor altum: \*  
& exaltabitur Deus.

**S**agittae parvulorum factae sunt  
plagae eorum: \* & infirmatae sunt  
contra eos linguae eorum.

Con-

**C**onturbati sunt omnes qui vi-  
debant eos: \* & timuit omnis  
homo.

**E**t annuntiaverunt opera Dei: \*  
& facta ejus intellexerunt.

**L**ætabitur justus in Dómino, &  
sperabit in eo, \* & laudabuntur  
omnes recti corde.

**G**loria Patri, & Filio, &c.

**Antiphona.** Dedit semetipsum Je-  
sus Christus pro nobis, ut nos re-  
dimeret ab omni iniquitate.

**Ps.** Beati, qui lavant stolas suas.

**R.** In sanguine Agni. **P**ater  
noster, &c. **secretó.** **Ps.** Et ne nos  
inducas in tentationem. **R.** Sed  
libera nos à malo. **Absolutio.** Ip-  
sius pietas, & misericordia nos  
adjuvet, qui cum Patre, & Spíri-  
tu sancto vivit, & regnat in sæcu-  
la sæculorum. **R.** Amen. **Ps.** Ju-  
be domne benedicere. **Benedic-  
tio.** Deus Pater omnipotens sit no-  
bis propitius, & clemens. **R.** Amen.

Ser-

48 **Festum SS. Sanguinis**

Sermo sancti Joannis Chry-  
sostomi.  
*Homilia ad Neophytos, ante  
medium. tom. 5.*

**Lectio iv.**

**V**ultis Sanguinis Christi au-  
dire virtutem? redeamus  
ad ejus exemplum, &  
priorem typum recordemur, &  
pristinam scripturam narremus.  
In Ægypto nocte media Ægyp-  
tiis Deus plagam decimam mina-  
batur, ut eorum primogenita de-  
perirent, quia primogenitum ejus  
populum detinebant. Sed ne ama-  
ta plebs Judæorum una cum illis  
periclitaretur, quia unus locus  
continebat universos, remedium  
discretionis inventum est. Proin-  
de exemplum mirabile, ut dis-  
cas in veritate virtutem. Ira di-  
vinæ indignationis sperabatur, &  
domos singulas mortifer circum-  
ibat. Quid igitur Moyses? Occi-  
di-

**Domini nostri Jesu Christi.** 49  
dite, inquit, agnum anniculum,  
& Sanguine ejus linite januas.

**Tu autem Domine miserere no-  
bis. R.** Deo gratias.

**Ps.** Ipse est caput corporis Ecclē-  
siæ, \*Ut sit in omnibus ipse pri-  
matum tenens. **Ps.** Quia complā-  
cuit per eum reconciliare omnia  
in ipsum, pacificans per Sangui-  
nem crucis ejus sive quæ in ter-  
ris, sive quæ in caelis sunt. Ut sit  
in omnibus. **Ps.** Jube domne be-  
nedicere. **Benedictio.** Christus  
perpetuæ det nobis gaudia vitæ.  
**R.** Amen.

**Lectio v.**

**Q**uid ais Moyses? Sanguis  
ovis rationalem hominem  
liberare consuevit? Valde,  
inquit: non eo quod sanguis est:  
sed quia Dominici sanguinis per  
eum demonstratur exemplum.  
Nam sicut regnantium statuae,  
quæ sine causa sunt & sermone,  
C non-



nonnumquam ad se confugiéntibus hominibus ánima, & ratióne decorátis subvenire consueverunt, non quia sunt ære confectæ, sed quia rétinent imáginem principálem: ita & sanguis ille, qui irrationális fuit, ánimos habéntes hómines liberávit, non quia sanguis fuit: sed quia hujus Sanguinis ostendébat advéntum.

**T**u autem Dómine miserere nobis. **R.** Deo grátias.

**R.** Cùm essétis aliquándo alienáti, & inimíci sensu in opéribus malis: \* Nunc reconciliávit vos Christus in corpore carnis suæ per mortem. **Ps.** Ut exhibéret vos sanctos & immaculátos, & irreprehensibiles coram ipso. Nunc reconciliávit. **Ps.** Jube domne benedicere. **Benedictio.** Ignem sui amóris accéndat Deus in córdibus nostris. **R.** Amen.

Léc-

Lectio vi.

**A**ngelus igitur ille vastátor cum linitos postes, atque áditus pervidéret, transjécit gressus, & non est ausus intráre. Nunc ergo si viderit inimicus non póstibus impósitum sanguinem typi, sed fidélium ore lucéntem sanguinem veritátis, Christi templi póstibus dedicátum, multo magis se súbtrahet. Si enim Angelus cessit exémplo, quanto magis terrébitur inimicus, si ipsam perspéxerit veritátem?

**T**u autem Dómine miserere nobis. **R.** Deo grátias.

**R.** Dignus es Dómine accipere librum, & aperire signácula ejus: quóniam occisus es, & redemísti nos Deo, \* In sanguine tuo. **Ps.** Et fecísti nos Deo nostro regnum, & regnábimus super terram. In sanguine tuo. **G**loria Patri. In sanguine tuo.

C 2

In

52 Festum SS. Sanguinis

In tertio Nocturno.

**Antiphona.** Vos qui aliquando eratis longè, facti estis propè in Sanguine Christi.

**Psalmus 73.**

**U**T quid Deus repulisti in finem: \* iratus est furor tuus super oves pascuæ tuæ?

**M**emor esto congregatiõnis tuæ, \* quam possedisti ab initio.

**R**edemisti virgam hereditatis tuæ: \* mons Sion, in quo habitasti in eo.

**L**eva manus tuas in superbias eorum in finem: \* quanta malignatus est inimicus in sancto!

**E**t gloriati sunt qui oderunt te, \* in medio solemnitatis tuæ.

**P**osuérunt signa sua, signa: \* & non cognoverunt sicut in exitu super summum.

**Q**uasi in silva lignorum securibus exciderunt januas ejus in idipsum: \* in securi & ascia dejecerunt eam.

In-

Dómini nostri Jesu Christi. 53

**I**ncenderunt igni sanctuarium tuum: \* in terra polluerunt tabernaculum nóminis tui.

**D**ixerunt in corde suo cognatio eorum simul: \* Quiescere faciamus omnes dies festos Dei à terra.

**S**igna nostra non vidimus, jam non est Prophéta: \* & nos non cognoscet amplius.

**U**squequò Deus improperabit inimicus: \* irrat adversarius nomen tuum in finem?

**U**t quid avértis manum tuam, & dexteram tuam, \* de medio sinu tuo in finem?

**D**eus autem Rex noster ante sæcula, \* operatus est salutem in medio terræ.

**T**u confirmasti in virtute tua mare: \* contribulasti capita draconum in aquis.

**T**u confregisti capita draconis: \* dedisti eum escam populis Æthiopum.

C 3

Tu

54 **Festum SS. Sanguinis**

**T**u dirupisti fontes, & torréntes: \* tu siccasti flúvios Etham.

**T**uus est dies, & tua est nox: \* tu fabricátus es auróram & solem.

**T**u fecisti omnes términos terræ: \* æstátem & ver, tu plas-másti ea.

**M**emor esto hujus inimicus im-properávit Dómino: \* & pópulus insípiens incitávit nomen tuum.

**N**e tradas béstiis ánimas confi-téntes tibi, \* & ánimas páuperum tuórum ne obliviscáris in finem.

**R**éspice in testaméntum tuum: \* quia repléti sunt, qui obscuráti sunt, terræ dómibus iniquitátum.

**N**e avertátur húmilis factus con-fúsus: \* pauper & inops laudábunt nomen tuum.

**E**xúrge Deus, júdica causam tuam: \* memor esto imprope-riórum tuórum, eórum quæ ab insípiénte sunt tota die.

**N**e

**D**ómini nostri Jesu Christi. 55  
**N**e obliviscáris voces inimicórum tuórum: \* superbia eórum, qui te odérunt, ascéndit semper.

**G**lória Patri, & Filio, &c.  
**Antiphona.** Vos qui aliquándo erátis longè, facti estis propè in Sanguine Christi.

**Antiphona.** Habéntes fidúciam in intróitu Sanctórum in Sanguine Christi, accedámus in plenitúdine fidei.

**Psalmus 87.**

**D**omine Deus salutis meæ, \* in die clamávi, & nocte coram te.

**I**ntret in conspéctu tuo orátio mea: \* inclína aurem tuam ad precem meam:

**Q**uia repléta est malis ánima mea: \* & vita mea inférno appropinquávit.

**Æ**stimátus sum cum descendentibus in lacum: \* factus sum sicut homo sine adjutó-

**C**4, rio,



rio, inter mórtuos liber.

**S**icut vulneráti dormiéntes in sepúlchris, quorum non es memor amplius: \* & ipsi de manu tua repúlsi sunt.

**P**osuérunt me in lacu inferióri; \* in tenebrósis, & in umbra mortis.

**S**uper me confirmátus est furor tuus: \* & omnes fluctus tuos induxisti super me.

**L**ongè fecisti notos meos à me: \* posuérunt me abominatióem sibi.

**T**ráditus sum, & non egrediébar: \* óculi mei languérunt præ inópia.

**C**lamávi ad te Dómine tota die: \* expándi ad te manus meas.

**N**umquid mórtuis fácies mirabília: \* aut médici suscitábunt, & confitebúntur tibi?

**N**umquid narrábit áliquis in sepúlchro misericórdiam tuam, \* & veritátem tuam in perditiónè?

**N**um-

**N**umquid cognoscéntur in tenebris mirabília tua, \* & justitia tua in terra obliuionis?

**E**t ego ad te Dómine clamávi: \* & manè oratio mea præuéniet te.

**U**t quid Dómine repéllis oratió-nem meam: \* auértis faciém tuam à me?

**P**auper sum ego, & in labóribus à iuuentúte mea: \* exaltátus autem, humiliátus sum & conturbátus.

**I**n me transiérunt iræ tuæ: \* & terróres tui conturbauerunt me.

**C**ircumdedérunt me sicut aqua tota die: \* circumdedérunt me simul.

**E**longásti à me amicum & próximum, \* & notos meos à miséria.

**G**lória Patri, & Filio, &c.

**A**núphona. Habétes fidúciam in

58 **Festum SS. Sanguinis**  
intróitu Sanctórum in Sanguine  
Christi, accedámus in plenitú-  
dine fidei.

**Antiphona.** Vestitus erat veste  
aspersa sanguine, & vocabátur  
nomen ejus Verbum Dei.

**Psalmus 93.**

**D**eus ultiónum Dóminus: \*

Deus ultiónum liberé egit.

**E**xaltáre qui júdicas terram: \*  
redde retributióem supérbis.

**U**squequò peccatóres Dómine, \*  
úsquequò peccatóres gloriabúntur:

**E**fiabúntur, & loquéntur iniqui-  
tátem: \* loquéntur omnes, qui  
operántur injustítiam?

**P**ópulum tuum Dómine humi-  
liavérunt: \* & hereditátem tuam  
vexavérunt.

**V**íduam & ádvenam interfecé-  
runt: \* & pupíllas occidérunt.

**E**t dixerunt: Non vidébit Dó-  
minus, \* nec intélliget Deus  
Jacob.

In-

**Dómini nostri Jesu Christi.** 59  
**I**ntelligite insipientes in pópulo: \*  
& stulti aliquándo sápite.

**Q**ui plantávit aurem, non áu-  
diét? \* aut qui finxit óculum,  
non considerat?

**Q**ui córripit gentes, non ár-  
guet: \* qui docet hóminem sciénti-  
am?

**D**óminus scit cogitatióes hómi-  
num, \* quóniam vanæ sunt.

**B**eátus homo, quem tu erudieris  
Dómine, \* & de lege tua do-  
cúeris eum:

**U**t mitiges ei à diébus malis: \*  
donec fodiátur peccatóri fóvea.

**Q**uia non repéllet Dóminus ple-  
bem suam: \* & hereditátem suam  
non derelínquet.

**Q**uoadúsque justítia convertá-  
tur in júdicium: \* & qui jux-  
ta illam omnes qui recto sunt  
corde.

**Q**uis consúrget mihi advérsus  
malignántes? \* aut quis stabit

C 6

me-

60 **Festum SS. Sanguinis** **D**  
mecum advérsus operántes ini-  
quitátem?

**N**isi quia Dóminus adjúvit me: \*  
paulóminus habitáset in inférno  
ánima mea.

**S**i dicébam: **M**otus est pes meus: \*  
misericórdia tua Dómine adjuvá-  
bat me.

**S**ecúndum multitudinem doló-  
rum meórum in corde meo, \*  
consolatiónes tuæ lætificavérunt  
ánimam meam.

**N**umquid adhæret tibi sedes ini-  
quitátis \*: qui fingis labórem in  
præcepto?

**C**aptábunt in ánimam justí: \* &  
sánguinem innocéntem condem-  
nábunt.

**E**t factus est mihi Dóminus in  
refúgium, \* & Deus meus in ad-  
jutórium spei meæ.

**E**t reddet illis iniquitátem ip-  
sórum: & in malítia eórum  
dispédet eos: \* dispédet illos  
Dó-

Dómini nostri Jesu Christi. 61  
Dóminus Deus noster.

**G**loria Patri, & Filio, &c.

**Antífona.** Vestitus erat veste  
aspérsa sanguíne, & vocabátur  
nomen ejus Verbum Dei.

**Ps.** Dealbavérunt stolas suas in sán-  
guine Agni. **R.** Ideó sunt ante  
thronum Dei. **P**ater noster, &c.

**secrétò. Ps.** Et ne nos indúcas in  
tentatiónem. **R.** Sed libera nos à

malo. **Absolutio.** A vinculis pec-  
catórum nostrórum absólvat nos  
omnipotens, & miséricors Dó-  
minus. **R.** Amen. **Ps.** Jube dom-  
ne benedicere. **Benedictio.** Evan-  
gélica léctio sit nobis salus, &

protéctio. **R.** Amen.

**L**éctio sancti Evangelii secún-  
dum Joánnem.

**Léctio vij.** *Cap. 19. f*

**I**n illo témpore: Sciens Jesus  
quia ómnia consummáta sunt,  
ut consummarétur scriptúra, di-  
xit: Sitio. Et reliqua.

Ho-



62 **Festum SS. Sanguinis**  
Homilia sancti Joannis Chry-  
sostomi.

Homilia 45. & 48. in Matthæum  
ante médium.

**U**Bique demonstrare adniti-  
tur, novam hanc mortem  
fuisse. Siquidem in potes-  
tate morientis erat, ne priusquam  
ipse vellet, & omnia impléta  
essent, moreretur. Ideo dicebat:  
Potestatem habeo ponendi ani-  
mam meam, & potestatem há-  
beo iterum sumendi eam. Sciens  
ergo omnia consummata, ait: Si-  
tio, etiam hoc verbo prophetiam  
implens. Tu autem adstantium  
pravitatem intellige: nam licet  
innúmeros habeamus inimicos,  
qui nos gravissimè persecuti sint,  
cum tamen interimi eos videmus,  
flectimur misericordia: hi verò  
nihil moti, magis efferantur, &  
irrident, acetumque in spongia  
porrigunt, ut bibat tamquam reus:  
ham

**Dómini nostri Jesu Christi.** 63  
nam propter hoc hyssòpum addi-  
tur, quo gustato, mortuus est. Vi-  
des quam non perturbatè, & quam  
potenter omnia transigentem.

**T**u autem Dómine miserere nobis. **R.** Deo grátias.

**R.** Passus est Christus se ab in-  
quis comprehendí, & impias sæ-  
viéntium in se manus admisit:  
\* Ut ejus Sanguis pretium pos-  
set credentium fieri. **ψ.** Cohi-  
buit in se poténtiam Deitátis, ut  
ad glóriam perveniret passionis.  
Ut ejus sanguis. **ψ.** Jube domne  
benedicere. **Benedictio.** Divinum  
auxilium máneat semper nobis-  
cum. **R.** Amen.

**Lectio viij.**

**C**Um omnia consummata es-  
sent, inclinató capite tradi-  
dit spiritum; hoc est, expiravit.  
Atqui non post inclinatum caput  
expiratur, sed post expirationem  
caput inclinatur: hic autem con-  
trà

64 **Festum SS. Sanguinis.**  
trà accidit, per quod osténdit  
Evangelista, eum esse ómnium  
dóminum. Judæi autem camé-  
lum devorantes, & cúlícem exco-  
lantes, tantum nefas ausi, de die  
consúltant. Quóniam Parascève  
erat, ut non remanérent in cru-  
ce còrpora sábbato, rogavérunt  
Pilátum, ut frangeréntur eòrum  
crura. Vides quanti sit véritas,  
per ea quæ illi faciunt, prophetia  
implétur: ália enim ex hoc ma-  
nifestáta est. Venérunt ergo mí-  
lites, & aliòrum fregérunt crura,  
non Christi: sed ad Judæòrum  
grátiam conciliándam latus ejus  
láncea aperuérunt: & mórtuo ad-  
huc insúltant. O péssimam volun-  
tátem! O scelestíssimam! Noli ta-  
men perturbári dilectíssime: quæ  
enim malo illi ánimo patrárunt,  
veritáti consentiébant; prophetia  
enim hinc impléta est, dicens:  
Vidébunt in quem transfixérunt.

Tu

Dómini nostri Jesu Christi. 65  
Tu autem Dómine miserére no-  
bis. **R.** Deo grátias.

**R.** Invitátur ad paradisi divítias  
pópulus Christiánus: \* Igneam  
enim illam rómphæam, qua vitæ  
régio erat inclúsa, sacer Christi  
Sanguis extínxit. **ψ.** Cunctis re-  
generátis, ad amissam pátriam  
patefactus est réditus. Igneam  
enim. **G**lória Patri. Igneam enim.  
**ψ.** Jube domne denedicere. **Be-  
nedictio.** Ad societátem civium  
supernòrum perdúcat nos Rex  
Angelòrum. **R.** Amen.

**Lectio ix.**

**E**T continuò exívit sanguis &  
aqua. Non casu & simplici-  
ter hi fontes scaturiérunt: sed  
quóniam ex ambòbus Ecclesiá  
constitúta est. Sciunt hoc initiati,  
per aquam regenerati, ságuine  
& carne nutriti. Hinc mystéria  
ortum habent, ut quóties ad ad-  
mirándum cálicem accédís, tam-  
quam

66 **Festum SS. Sanguinis**

quam ab ipso latere hauriens, accedas. Qui ipse Christi Sanguis nostrarum animarum est salus, quo abluitur anima, ornatur, & inflammatur. Hic mentem nostram igne reddit splendidior, hic auro clariorem animam facit. Hic Sanguis effusus est, & cælum fecit nobis accessibile. Hic terrarum orbis est pretium, hoc Christus emit Ecclesiam, hoc eam omnem adornavit. Hujus Sanguinis participes, cum Angelis & Archangelis, & supernis manent virtutibus, ipsam regiam Christi stolam induti, & arma spiritalia gerentes. Sed nihil adhuc dixi, ipsum enim induti sunt Regem.

**Tu** autem Domine, miserere nobis. **R.** Deo gratias.

**Hymnus sanctorum Ambrósii,  
& Augustini.**

**T**E Deum laudamus: te Dominum confitemur.

**T**e

**Domini nostri Jesu Christi.** 67

**T**e æternum Patrem: omnis terra veneratur.

**T**ibi omnes Angeli: tibi cæli, & universæ potestates.

**T**ibi Chérubim, & Séraphim: incessabili voce proclamant,  
**S**anctus, **S**anctus, **S**anctus, **D**ominus Deus Sabaoth.

**P**leni sunt cæli & terra: majestatis gloriæ tuæ.

**T**e gloriósus Apostolorum chorus.

**T**e Prophetarum laudabilis numerus,

**T**e Martyrum candidatus laudat exercitus.

**T**e per orbem terrarum, sancta confitetur Ecclesia,

**P**atrem immensæ majestatis.

**V**enerandum tuum verum & unicum Filium.

**S**anctum quoque Paráclitum Spiritum.

**T**u rex gloriæ Christe.

**Tu**



68 **Festum SS. Sanguinis**

**Tu** Patris sempiternus es Filius.  
**Tu** ad liberandum suscepturus  
hominem: non horruisti Virginis  
uterum.

**Tu** devicto mortis aculeo: ape-  
ruisti credentibus regna caelorum.

**Tu** ad dexteram Dei sedes: in  
gloria Patris.

**Judex** crederis esse venturus.

**Te** ergo quaesumus, tuis famulis  
subveni: quos pretioso Sanguine  
redemisti.

**Aeterna** fac cum Sanctis tuis in  
gloria numerari.

**Salvum** fac populum tuum Dó-  
mine: & benedic hereditati tuae.

**Et** rege eos: & extolle illos us-  
que in aeternum.

**Per** singulos dies benedicimus  
te.

**Et** laudamus nomen tuum in  
saeculum: & in saeculum saeculi.

**Dignare** Dómine die isto: sine  
peccato nos custodire.

Mi-

**Dómini nostri Jesu Christi. 69**  
**Miserere** nostri Dómine: mise-  
rere nostri.

**Fiat** misericordia tua Dómine su-  
per nos: quemadmodum sperá-  
vimus in te.

**In** te Dómine speravi: non con-  
fundar in aeternum.

**AD LAUDES, V.**

**D**eus in adiutorium meum  
intende. **R.** Dómine ad  
adjuvandum me festina.

**Gloria** Patri, & Filio, & Spiritui  
sancto. **Sicut** erat in principio,  
& nunc, & semper, & in saecula  
saeculorum. Amen. Allelúia.

**Antífona.** Christum proposuit  
Deus propitiatorem per fidem in  
sanguine ipsius.

**Psalmus 92.**

**D**ominus regnavit, decorem  
indutus est: \* indutus est  
Dóminus fortitudinem, & pra-  
cinxit se.

**E**t enim firmavit orbem terrae: \*  
qui